

# कल्याणमंदिर स्तोत्र (हिंदी) Kalyāṇamandira Stōtra (Hindī)

कविश्री बनारसीदास

Kaviśrī Banārasīdāsa

संस्कृत भाषा में कल्याण-मंदिर-स्तोत्र के रचयिता श्री कुमुदचंद्राचार्य हैं। इसमें भगवान् पार्श्वनाथ की स्तुति होने से इसका नाम 'पार्श्वनाथ-स्तोत्रम्' भी है, परन्तु स्तोत्र 'कल्याण-मंदिर' शब्द से प्रारम्भ होने के कारण इसका यही नाम पड़ गया है। कहा जाता है कि उज्जयिनी में वाद-विवाद में इसके प्रभाव से एक अन्य-देव की मूर्ति से श्री पार्श्वनाथ की प्रतिमा प्रकट हो गयी थी। इस स्तोत्र की अपूर्व-महिमा मानी गयी है। इसके पाठ और जाप से समस्त विघ्न-बाधायें दूर होती हैं तथा सुख-शांति मिलती है।

*Kalyāṇa-mandira sanskṛta-stōtra kē racayitā śrī kumudacandrācārya haiṁ. Isamēm bhagavān pārśvanātha kī stuti hōnē sē isakā nāma 'pārśvanātha-stōtram' bhī hai, parantu stōtra 'kalyāṇa-mandira' śabda sē prārambha hōnē kē kāraṇa isakā yahī nāma paṛa gayā hai. Kahā jātā hai ki ujjayinī mēm vāda-vivāda mēm isakē prabhāva sē ēka anya-dēva kī mūrti sē śrī pārśvanātha kī pratimā prakāṣa hō gayī thī. Isa stōtra kī apūrva-mahimā mānī gayī hai. Isakē pāṭha aura jāpa sē samasta vighna-bādhāyēm dūra hōtī haiṁ tathā sukha-śānti milatī hai |*

(दोहा)

परम-ज्योति परमात्मा, परम-ज्ञान परवीन |  
वंदूँ परमानंदमय घट-घट-अंतर-लीन ||१||

(Dōhā)

Parama-jyōti paramātmā, parama-jñāna paravīna |  
Vandūṁ paramānandamaya ghaṭa-ghaṭa-antara-līna ||1||

(चौपाई)

निर्भयकरन परम-परधान, भव-समुद्र-जल-तारन-यान |  
शिव-मंदिर अघ-हरन अनिंद, वंदूँ पार्श्व-चरण-अरविंद ||२||

(Caupāi)

Nirbhayakarana parama-paradhāna, bhava-samudra-jala-tārana-yāna |  
Śiva-mandira agha-harana aninda, vandum pārśva-caraṇa-aravinda ||2||

कमठ-मान-भंजन वर-वीर, गरिमा-सागर गुण-गंभीर |  
सुर-गुरु पार लहें नहिं जास, मैं अजान जापूँ जस तास ||३||

Kamaṭha-māna-bhañjana vara-vīra, garimā-sāgara guṇa-gambhīra |  
Sura-guru pāra laheṁ nahim jāsa, maim ajāna jāpūṁ jasa tāsa ||3||

प्रभु-स्वरूप अति-अगम अथाह, क्यों हम-सेती होय निवाह ।  
ज्यों दिन अंध उल्लू को होत, कहि न सके रवि-किरण-उद्योत ॥४॥

Prabhu-svarūpa ati-agama athāha, kyōm hama-sētī hōya nivāha ।  
Jyōm dina andha ullū kō hōta, kahi na sake ravi-kiraṇa-udyōta ॥4॥

मोह-हीन जाने मनमाँहिं, तो हु न तुम गुन वरने जाहिं ।  
प्रलय-पयोधि करे जल गौन, प्रगटहिं रतन गिने तिहिं कौन ॥५॥

Mōha-hīna jānē manamāñhiṁ, tō hu na tuma guna varanē jāhiṁ ।  
Pralaya-payōdhi karē jala gauna, pragaṭahiṁ ratana ginē tihīṁ kauna ॥5॥

तुम असंख्य निर्मल गुणखान, मैं मतिहीन कहूँ निज बान ।  
ज्यों बालक निज बाँह पसार, सागर परमित कहे विचार ॥६॥

Tuma asaṅkhyā nirmala guṇakhāna, maīṁ matihīna kahūṁ nija bāna ।  
Jyōm bālaka nija bāṁha pasāra, sāgara paramita kahē vicāra ॥6॥

जे जोगीन्द्र करहिं तप-खेद, तेऊ न जानहिं तुम गुनभेद ।  
भक्तिभाव मुझ मन अभिलाष, ज्यों पंछी बोले निज भाष ॥७॥

Jē jōgīndra karahiṁ tapa-khēda, tē'ū na jānahiṁ tuma gunabhēda ।  
Bhaktibhāva mujha mana abhilāṣa, jyōm pañchī bōlē nija bhāṣa ॥7॥

तुम जस-महिमा अगम अपार, नाम एक त्रिभुवन-आधार ।  
आवे पवन पदमसर होय, ग्रीषम-तपन निवारे सोय ॥८॥

Tuma jasa-mahimā agama apāra, nāma ēka tribhuvana-ādhāra ।  
Āvē pavana padamasara hōya, grīṣama-tapana nivāre sōya ॥8॥

तुम आवत भवि-जन मनमाँहिं, कर्मनि-बन्ध शिथिल हवे जाहिं ।  
ज्यों चंदन-तरु बोलहिं मोर, डरहिं भुजंग भगें चहुँ ओर ॥९॥

Tuma āvata bhavi-jana manamāñhiṁ, karmani-bandha śīthila havai jāhiṁ ।  
Jyōm candana-taru bōlahiṁ mōra, ḍarahiṁ bhujāṅga bhagēm cahūṁ ōra ॥9॥

तुम निरखत जन दीनदयाल, संकट तें छूटें तत्काल ।  
ज्यों पशु घेर लेहिं निशि चोर, ते तज भागहिं देखत भोर ॥१०॥

Tuma nirakhata jana dīnadayāla, saṅkaṭa tēṁ chūṭēm tatkāla ।  
Jyōm paśu ghēra lēhiṁ niśi cōra, tē taja bhāgahiṁ dēkhata bhōra ॥10॥

तुम भविजन-तारक इमि होहि, जे चित धारें तिरहिं ले तोहि ।  
यह ऐसे करि जान स्वभाव, तिरहिं मसक ज्यो गर्भित बाव ॥११॥

Tuma bhavijana-tāraka imi hōhi, jē cita dhārēm tirahim lē tōhi ।  
Yaha aisē kari jāna svabhāva, tirahim masaka jyōm garbhita bāva ॥11॥

जिहँ सब देव किये वश वाम, तें छिन में जीत्यो सो काम ।  
ज्यो जल करे अगनि-कुल हान, बडवानल पीवे सो पान ॥१२॥

Jiham̃ saba dēva kiyē vaśa vāma, taim̃ china mēm̃ jītyō sō kāma ।  
Jyōm̃ jala karē agani-kula hāna, baḍavānala pīvē sō pāna ॥12॥

तुम अनंत गुरुवा गुन लिए, क्यो कर भक्ति धरुं निज हिये ।  
हवै लघुरूप तिरहिं संसार, प्रभु तुम महिमा अगम अपार ॥१३॥

Tuma ananta gurvā guna li'ē, kyōm̃ kara bhakti dharuṃ nija hiyē ।  
hvai laghurūpa tirahim̃ sansāra, prabhu tuma mahimā agama apāra ॥13॥

क्रोध-निवार कियो मन शांत, कर्म-सुभट जीते किहिं भाँत ।  
यह पटुतर देखहु संसार, नील वृक्ष ज्यो दहै तुषार ॥१४॥

Krōdha-nivāra kiyō mana śānta, karma-subhaṭa jītē kihim̃ bhānta ।  
Yaha paṭutara dēkhahu sansāra, nīla vṛkṣa jyōm̃ dahai tuṣāra ॥14॥

मुनिजन हिये कमल निज टोहि, सिद्धरूप सम ध्यावहिं तोहि ।  
कमल-कर्णिका बिन-नहिं और, कमल बीज उपजन की ठौर ॥१५॥

Munijana hiyē kamala nija ṭōhi, sid'dharūpa sama dhyāvahim̃ tōhi ।  
Kamala-karṇikā bina-nahim̃ aura, kamala bīja upajana kī ṭhaura ॥15॥

जब तुव ध्यान धरे मुनि कोय, तब विदेह परमात्म होय ।  
जैसे धातु शिला-तनु त्याग, कनक-स्वरूप धवे जब आग ॥१६॥

Jaba tuva dhyāna dharē muni kōya, taba vidēha paramātama hōya ।  
Jaisē dhātu śilā-tanu tyāga, kanaka-svarūpa dhavē jaba āga ॥16॥

जाके मन तुम करहु निवास, विनशि जाय सब विग्रह तास ।  
ज्यो महंत ढिंग आवे कोय, विग्रहमूल निवारे सोय ॥१७॥

Jākē mana tuma karahu nivāsa, vinaśi jāya saba vighra tāsa ।  
Jyōm̃ mahanta ḍhiṅga āvē kōya, vighramūla nivāre sōya ॥17॥

करहिं विबुध जे आतमध्यान, तुम प्रभाव तें होय निदान ।  
जैसे नीर सुधा अनुमान, पीवत विष विकार की हान ॥१८॥

Karahim vibudha jē ātamadhyāna, tuma prabhāva ten hōya nidāna ।  
Jaisē nīra sudhā anumāna, pīvata viṣa vikāra kī hāna ॥18॥

तुम भगवंत विमल गुणलीन, समल रूप मानहिं मतिहीन ।  
ज्यों पीलिया रोग दृग गहे, वर्ण विवर्ण शंख सों कहे ॥१९॥

Tuma bhagavanta vimala guṇalīna, samala rūpa mānahim mathīna ।  
Jyōm pīliyā rōga dṛga gahe, varṇa vivarṇa śaṅkha sōm kahe ॥19॥

(दोहा)

निकट रहत उपदेश सुन, तरुवर भयो 'अशोक' ।  
ज्यों रवि ऊगत जीव सब, प्रगट होत भुविलोक ॥२०॥

(Dōhā)

Nikaṭa rahata upadēśa suna, taruvara bhayō 'aśōka' ।  
Jyōm ravi ūgata jīva saba, pragaṭa hōta bhuvilōka ॥20॥

'सुमन वृष्टि' ज्यों सुर करहिं, हेठ बीठमुख सोहिं ।  
त्यों तुम सेवत सुमन जन, बंध अधोमुख होहिं ॥२१॥

'Sumana vṛṣṭi' jyōm sura karahim, hēṭha bīṭhamukha sōhim ।  
Tyōm tuma sēvata sumana jana, bandha adhōmukha hōhim ॥21॥

उपजी तुम हिय उदधि तें, 'वाणी' सुधा समान ।  
जिहँ पीवत भविजन लहहिं, अजर अमर-पदथान ॥२२॥

Upajī tuma hiya udadhi teṁ, 'vāṇī' sudhā samāna ।  
Jiham pīvata bhavijana lahahim, ajara amara-padathāna ॥22॥

कहहिं सार तिहुँ-लोक को, ये 'सुर-चामर' दोय ।  
भावसहित जो जिन नमहिं, तिहुँ गति ऊरध होय ॥२३॥

Kahahim sāra tihum-lōka kō, yē sura-'cāmara' dōya ।  
Bhāvasahita jō jina namahim, tiham gati ūradha hōya ॥23॥

‘सिंहासन’ गिरि मेरु सम, प्रभु धुनि गरजत घोर ।  
श्याम सुतनु घनरूप लखि, नाचत भविजन मोर ॥२४॥

‘Simhāsana’ giri mēru sama, prabhu dhuni garajata ghōra |  
Śyāma sutanu ghanarūpa lakhi, nācata bhavijana mōra ॥24॥

छवि-हत होत अशोक-दल, तुम ‘भामंडल’ देख ।  
वीतराग के निकट रह, रहत न राग विशेष ॥२५॥

Chavi-hata hōta aśōka-dala, tuma ‘bhāmaṇḍala’ dēkha |  
Vītarāga kē nikaṭa raha, rahata na rāga viśēṣa ॥25॥

सीख कहे तिहुँ-लोक को, ये ‘सुर-दुंदुभि’ नाद ।  
शिवपथ-सारथ-वाह जिन, भजहु तजहु परमाद ॥२६॥

Sīkha kahe tihūṁ-lōka kōm, yē sura ‘dundubhi’ nāda |  
Śivapatha-sāratha-vāha jina, bhajahu tajahu paramāda ॥26॥

‘तीन छत्र’ त्रिभुवन उदित, मुक्तागण छवि देत ।  
त्रिविध-रूप धर मनहु शशि, सेवत नखत-समेत ॥२७॥

‘Tīna chatra’tribhuvana udita, muktāgaṇa chavi dēta |  
Trividha-rūpa dhara manahu śaśi, sēvata nakhata-samēta ॥27॥

(पद्धरि छन्द)

प्रभु तुम शरीर दुति रतन जेम, परताप पुंज जिम शुद्ध-हेम ।  
अतिधवल सुजस रूपा समान, तिनके गुण तीन विराजमान ॥२८॥

(Pad'dhari chanda)

Prabhu tuma śarīra duti ratana jēma, paratāpa puṅja jima śud'dha-hēma |  
Atidhavalasujasa rūpā samāna, tinakē guṇa tīna virājamāna ॥28॥

सेवहिं सुरेन्द्र कर नमत भाल, तिन सीस मुकुट तज देहिं माल ।  
तुम चरण लगत लहलहे प्रीति, नहिं रमहिं और जन सुमन रीति ॥२९॥

Sēvahiṁ surēndra kara namata bhāla, tina sīsa mukuṭa taja dēhiṁ māla |  
Tuma caraṇa lagata lahalahe prīti, nahīṁ ramahiṁ aura jana sumana rīti ॥29॥

प्रभु भोग-विमुख तन करम-दाह, जन पार करत भवजल निवाह ।  
ज्यो माटी-कलश सुपक्व होय, ले भार अधोमुख तिरहिं तोय ॥३०॥

Prabhu bhōga-vimukha tana karama-dāha, jana pāra karata bhavajala nivāha ।  
Jyōm māṭī-kalaśa supakva hōya, lē bhāra adhōmukha tirahir̥m tōya ॥30॥

तुम महाराज निरधन निराश, तज तुम विभव सब जगप्रकाश ।  
अक्षर स्वभाव-सु लिखे न कोय, महिमा भगवंत अनंत सोय ॥३१॥

Tuma mahārāja niradhana nirāśa, taja tuma vibhava saba jagaprakāśa ।  
Akṣara svabhāva-su likhai na kōya, mahimā bhagavanta ananta sōya ॥31॥

कोपियो कमठ निज बैर देख, तिन करी धूलि वरषा विशेष ।  
प्रभु तुम छाया नहिं भई हीन, सो भयो पापी लंपट मलीन ॥३२॥

Kōpiyō kamaṭha nija baira dēkha, tina karī dhūli varaṣā viśēṣa ।  
Prabhu tuma chāyā nahir̥m bhar'i hīna, sō bhayō pāpī lampaṭa malīna ॥32॥

गरजंत घोर घन अंधकार, चमकंत-विज्जु जल मूसल-धार ।  
वरषंत कमठ धर ध्यान रुद्र, दुस्तर करंत निज भव-समुद्र ॥३३॥

Garajanta ghōra ghana andhakāra, camakanta-vijju jala mūsala-dhāra ।  
Varaṣanta kamaṭha dhara dhyāna rudra, dustara karanta nija bhava-samudra  
॥33॥

(वास्तु छन्द)

मेघमाली मेघमाली आप बल फोरि ।  
भेजे तुरत पिशाच-गण, नाथ-पास उपसर्ग कारण ।  
अग्नि-जाल झलकंत मुख, धुनिकरत जिमि मत्त वारण ।  
कालरूप विकराल-तन, मुंडमाल-हित कंठ ।  
हवे निशंक वह रंक निज, करे कर्म दृढ़-गंठ ॥३४॥

(Vāstu chanda)

Mēghamālī mēghamālī āpa bala phōri ।  
Bhējē turata piśāca-gaṇa, nātha-pāsa upasarga kāraṇa ।  
Agni-jāla jhalakanta mukha, dhunikarata jimi matta vāraṇa ।  
Kālarūpa vikarāla-tana, muṇḍamāla-hita kaṇṭha ।  
Hve niśaṅka vaha raṅka nija, kare karma dṛṛha-gaṇṭha ॥34॥

(चौपाई छन्द)

जे तुम चरण-कमल तिहुँकाल, सेवहिं तजि माया जंजाल ।  
भाव-भगति मन हरष-अपार, धन्य-धन्य जग तिन अवतार ॥३५॥

(Caupāi chanda)

Jē tuma caraṇa-kamala tihumkāla, sēvahiṁ taji māyā jañjāla ।  
Bhāva-bhagati mana haraṣa-apāra, dhan'ya-dhan'ya jaga tina avatāra ॥35॥

भवसागर में फिरत अजान, मैं तुव सुजस सुन्यो नहिं कान ।  
जो प्रभु-नाम-मंत्र मन धरे, ता सों विपति भुजंगम डरे ॥३६॥

Bhavasāgara mēm phirata ajāna, mairṁ tuva sujasa sun'yō nahim kāna ।  
Jō prabhu-nāma-mantra mana dharē, tā sōm vipati bhujāngama ḍarē ॥36॥

मनवाँछित-फल जिनपद माहिं, मैं पूरब-भव पूजे नाहिं ।  
माया-मगन फिर्यो अज्ञान, करहिं रंक-जन मुझ अपमान ॥३७॥

Manavāṁchita-phala jinapada māhiṁ, mairṁ pūraba-bhava pūjē nāhiṁ ।  
Māyā-magana phiryō ajñāna, karahiṁ raṅka-jana mujha apamāna ॥37॥

मोहतिमिर छायो दृग मोहि, जन्मान्तर देख्यो नहिं तोहि ।  
जो दुर्जन मुझ संगति गहें, मरम छेद के कुवचन कहें ॥३८॥

Mōhatimira chāyō dṛga mōhi, janmāntara dēkhyō nahim tōhi ।  
Jō durjana mujha saṅgati gahem, marama chēda kē kuvacana kahem ॥38॥

सुन्यो कान जस पूजे पायँ, नैनन देख्यो रूप अघाय ।  
भक्ति हेतु न भयो चित चाव, दुःखदायक किरिया बिनभाव ॥३९॥

Sun'yō kāna jasa pūjē pāyaṁ, nainana dēkhyō rūpa aghāya ।  
Bhakti hētu na bhayo cita cāva, du:Khadāyaka kiriyā binabhāva ॥39॥

महाराज शरणागत पाल, पतित-उधारण दीनदयाल ।  
सुमिरन करहूँ नाय निज-शीश, मुझ दुःख दूर करहु जगदीश ॥40॥

Mahārāja śaraṇāgata pāla, patita-udhāraṇa dīnadayāla ।  
Sumirana karahūṁ nāya nija-śīśa, mujha du:Kha dūra karahu jagadīśa ॥40॥

कर्म-निकंदन-महिमा सार, अशरण-शरण सुजस विस्तार ।  
नहिं सेये प्रभु तुमरे पाय, तो मुझ जन्म अकारथ जाय ॥४१॥

Karma-nikandana-mahimā sāra, aśaraṇa-śaraṇa sujasa vistāra |  
Nahim̐ sēyē prabhu tumarē pāya, tō mujha janma akāratha jāya ||41||

सुर-गन-वंदित दया-निधान, जग-तारण जगपति अनजान |  
दुःख-सागर तें मोहि निकासि, निर्भय-थान देहु सुख-रासि ||४२||

Sura-gana-vandita dayā-nidhāna, jaga-tāraṇa jagapati anajāna |  
Du:Kha-sāgara tem̐ mōhi nikāsi, nirbhaya-thāna dēhu sukha-rāsi ||42||

मैं तुम चरण कमल गुणगाय, बहु-विधि-भक्ति करी मनलाय |  
जनम-जनम प्रभु पाऊँ तोहि, यह सेवाफल दीजे मोय ||४३||

Maim̐ tuma caraṇa kamala guṇagāya, bahu-vidhi-bhakti karī manalāya |  
Janama-janama prabhu pā'ūṁ tōhi, yaha sēvāphala dījē mōya ||43||

(बेसरी छंद - षड्पद)

इहविधि श्री भगवंत, सुजस जे भविजन भाषहिं |  
ते निज पुण्यभंडार, संचि चिर-पाप प्रणासहिं ||  
रोम-रोम हुलसंति अंग प्रभु-गुण मन ध्यावहिं |  
स्वर्ग संपदा भुंज वेगि पंचमगति पावहिं ||  
यह कल्याणमंदिर कियो, कुमुदचंद्र की बुद्धि |  
भाषा कहत 'बनारसी', कारण समकित-शुद्धि ||४४||

(Bēsarī chanda - ṣadpada)

Ihavidhi śrī bhagavanta, sujasa jē bhavijana bhāṣahim̐ |  
Tē nija puṇyabhaṇḍāra, sañci cira-pāpa praṇāсахim̐ ||  
Rōma-rōma hulasanti aṅga prabhu-gaṇa mana dhyāvahim̐ |  
Svarga sampadā bhuñja vēgi pañcamagati pāvahim̐ ||  
Yaha kalyāṇamandira kiyō, kumudacandra kī bud'dhi |  
Bhāṣā kahata 'banārasī', kāraṇa samakita-śud'dhi ||44||

\*\*\*A\*\*\*